

Kikirow cho tilöch chopo monung

Könu



Noah ngo
Muserion



Kikirow: Edward Hughes

Cho pöru: Byron Unger; Lazarus
Alastair Paterson

Kichengü: M. Maillot; Tammy S.

Akwomü ngo: www.christian-translation.com

Kikikir ngo: Bible for Children
www.M1914.org

©2021 Bible for Children, Inc.

Mukenyi kirä lokoy chete wolö mä yaltä.




Noah ki chi nyo kisoloy
Tororöt, pich lowur
kimocho nye Tororöt. Asis
akonga mwochi Tororöt lo
otuwun pich lowur ngotu

katangu.



Mwoghchu Tororöt Noah lö ngunoy
muserion nyo wow akukortoy nguny
lowur, teka meli nyo wow, nyo ltoy
katangu ngo tukun chopo nguny.
Keporchu nyinde wolo yighto.



Kirorocho
nyinde otini
kimiighoy
meli,

kimochu
nyinde pich
lo alastena
ngoku wolo ata
chi nyo kilüm.



Kitungeto Noah kighanat nyo wow, kighan
Tororöt ata kitomo krupon poghet. Otini
lawel, teka meli nay.



Pka wanyamen, kwipu Tororöt mut ngo odeny
chopo kila kugh, odeny chopo walaka, torit cho
wechon ngocho mungech ngo söö pka
arü meli.



Otini, kimwagh pich Noah kmikulutoy wanyamen meli. Kigh nyoki amasom nye kulut meli.





Kurel sorom,
kilut wanyamen
ngo torit orii, kurr Tororöt
Noah lö nyono ngo moneku.






Wö Noah,
korkenyi,
monungechi somok ngo
korukwa kulut akwane lowur
meli nay. Karr Tororöt melinay.



Kutorr kropan rop nyo
wow ombo osis chole tamanut
angwan- topoghet ngo oggho.





Muserion kikarr
tukun lowur, otinyi kiwonyo
röp ata komös kikarta pögh.
Kimeghyo tukun lowur.



Otini kitosisyo pogh,
kingun paraku pogh tirpka
nay. Kituw woni le orii
aku gha wolo kisoru Noah.



Ombo aroo mut chopo muserion
yonu Tororöt yomot akuwonyo rop,
müt kungun melinay paraku komos
po Ararat wolo kitopo Noah arü
melinay osis chole

tamanut
angwan

tokuwonyo
muserionto.



Kiyonu Noah cheptukwo ngo cheprum
kpka kuros kor. Kimonyorunye
cheptukwo wolo kitopo nyapana melinay.





Osis cho kirupto kyonta
Noah cheptukwo kungat,
ngun cheptukwo ngo
sokon nyo nyaril, kumpur
osis lotony yonta kungat
mengun nyee
cheptukwonay.



Mochu Tororöt Noah lo kikurel to kayat
meli, nyinde ngo monechi chengu
tukuchay komi meli kpka nguny.



Kilumta
Noah nyo
karam akutek
wolo kisala
akutumchu Tororöt.



Mochu Tororöt
Noah lö
mominye röp ngo
muserion ombo
wolo kilel pich.

Yonu Tororöt
kitombul kuporu
lo mominye
angat sitot nyo
laya nyini.



Noah ngo
monechi nyoru kitorot nyo
rel, kimuch monechi yiyo
aku koros lowur chopo
nguny pkana oritanyi.



Noah ngo Muserion

Lokoy nyopo ngolion nyopo Tororöt ombo
bibilya

Nyo rumunö

palalyan nyopo kitorot mut ngo akonga paka
taman (Mwanzo 6-10)

“Ngoliontengu ku konü lopoyün.”

Palalyan nyopo tumwoy, pokol akonga ngo taman ngo
mut ngo angwan kutorö pokol akonga ngo tomonut
somok (Psalm 119:130)



Soröm



Lokoyechu pö palalyan mwoweche ngäl
chopo echotyön nyo karam nyo kighecha
akumokoy ingutunyi nyinde.

ngut Tororöt lo kikeghacha ngäl cho ghach
chõ kuroy nyinde ng'okü. Akusitot nyopö
ngöku ku meghat, wölö kichamecha Tororöt
akuyonü nyinde werunyi nyole akongä
kungün kmeghä msalaba akunyoru sitöt ombö
ngokiku. Kimä mombö Tororöt akututü
akuwö yím! Toighonenyi mombo Tororöt
isom nyinde losteghun ngokiku ombo wolo
losteghchini pich nyinde! Ngunoy nyinde
akumong oringu, nyi tukul imoghonyi ko
nyinde nyopo kokay.



Tö ighonenyi lö maan ngalechete,
imochu Tororöt lö;

Mombo Tororöt, oghonan lö ichinyi Tororöt
ailukunenyi tangengmõt aimegha ngokichan
akü ombö poroyunto nete imitenyi mongisye
kungat. Osominyi, nyono oritö mongenyan
ailostewante ngokichan tomonyil onyorwan
sopön nyo rël akü asis akongä otopän konyi
kökay kö kökay. Ngarakante okonyitinyi
tomonyil omongon lë montongunyi. Aminä

Isomön ngoliontö Tororöt aingaläl kö Tororöt
asis kö asis! Isomon ngoliön ombö palalyan
nyopö yohana somök kutorö
taman kö mut kö akongä. (Yona 3:16)

